



**PRAVILNIK O ANGAŽOVANJU STUDENATA
DEMONSTRATORA NA UNIVERZITETU "DŽEMAL
BIJEDIĆ" U MOSTARU**

Mostar, januar 2015. godine

Na osnovu člana 72. i člana 257. stav 3. Statuta Univerziteta "Džemal Bijedić" u Mostaru, Senat Univerziteta, na sjednici održanoj 29.1.2015. godine, donio je

PRAVILNIK O ANGAŽOVANJU STUDENATA DEMONSTRATORA NA UNIVERZITETU "DŽEMAL BIJEDIĆ" U MOSTARU

I OPĆE ODREDBE

Član 1.

Ovim Pravilnikom uređuju se imenovanje, razrješenje, prava i obaveze studenta demonstratora (u daljnjem tekstu: demonstrator) Univerziteta "Džemal Bijedić" u Mostaru (u daljnjem tekstu: Univerzitet).

II IMENOVANJE DEMONSTRATORA

Član 2.

- (1) Demonstrator se imenuje na pojedine predmete radi pomaganja studentima u:
 - lakšem savladavanju nastavnog gradiva,
 - izradi domaćih zadaća, programskih i seminarskih radova, te
 - u izvođenju laboratorijskih, terenskih i vježbi u računarskim učionicama.
- (2) Demonstrator ne može ni na koji način biti uključen u obavljanje provjera znanja i ispita, te ne može izvoditi ni predavanja niti vježbe umjesto nastavnika ili saradnika.
- (3) Predmetni nastavnik odgovoran je za rad demonstratora.

Član 3.

- (1) Demonstratore na pojedine predmete, uz pismeno obrazloženje, predlažu prodekani za nastavu Fakulteta.
- (2) Demonstratore imenuje Naučno-nastavno vijeće Fakulteta.
- (3) Imenovanje demonstratora provodi se za cijelu akademsku godinu, najkasnije do 30 (trideset) dana od početka akademske godine u kojoj se odnosni predmet izvodi.

Član 4.

Za demonstratora na određenom predmetu može se imenovati redovni student Fakulteta ako ispunjava sljedeće uslove:

- da se istakao na studiju, te da je pokazao posebno zanimanje za predmet demonstrature;
- da iz predmeta demonstrature ima zaključnu ocjenu devet (9) ili deset (10);
- da u prethodnom toku studija ima prosječnu ocjenu najmanje osam (8);
- da od propisanog trajanja studija nije izgubio više od godinu dana;
- da pokazuje sklonost ka timskom radu i ima izraženu sklonost ka nastavnim aktivnostima.

Član 5.

- (1) Tokom akademske godine, jedan student može biti imenovan demonstratorom iz najviše 2 (dva) predmeta.
- (2) Student može biti imenovan za demonstratora u najviše dvije akademske godine na jedan ili dva predmeta.

Član 6.

Demonstratoru se izdaje rješenje o imenovanju s naznakom naziva predmeta i razdoblja na koje je imenovan.

Član 7.

- (1) Demonstratori se mogu imenovati samo na obavezne predmete.
- (2) Na jednom predmetu može se imenovati najviše 1 (jedan) demonstrator.

III PRAVA I OBAVEZE DEMONSTRATORA**Član 8.**

- (1) Rad demonstratora traje tokom održavanja nastave u skladu s kalendarom nastave Fakulteta.
- (2) Demonstrator je dužan sudjelovati u aktivnostima iz člana 2. stava 1. ovog Pravilnika do 2 (dva) sata sedmično po predmetu, uz kontrolu predmetnog nastavnika.
- (3) Termine provođenja demonstrature demonstratori usklađuju s rasporedom nastave Fakulteta i dužni su na početku semestra objaviti vrijeme i mjesto prijema studenata izvan nastave.

Član 9.

- (1) Demonstrator koji svoj rad ne obavlja u skladu sa preuzetim obavezama iz člana 8., na prijedlog predmetnog nastavnika, razriješit će se dužnosti odlukom Naučno-nastavnog vijeća Fakulteta, na prijedlog prodekana za nastavu i prije isteka vremena za koje je imenovan.
- (2) Demonstrator, od predmetnog nastavnika, može zatražiti razrješenje s dužnosti na temelju pisanog obrazloženja.

IV VREDNOVANJE RADA DEMONSTRATORA**Član 10.**

- (1) Rad demonstratora vrednuje se prema odredbama Pravilnika o plaćama, naknadama i drugim primanjima zaposlenika Univerziteta „Džemal Bijedić“ u Mostaru.
- (2) Odluku o isplati i visini novčane naknade donosi dekan.
- (3) Novčana naknada demonstratorima se isplaćuje iz sredstava fakulteta.

V PRELAZNE I ZAVRŠNE ODREDBE

Član 11.

- (1) Popis demonstratora za svaku akademsku godinu objavljuje se na web stranici Fakulteta.
- (2) Fakultet treba, u skladu sa mogućnostima, osigurati prostoriju za rad demonstratora.

Član 12.

- (1) Predmetni nastavnik obavezan je na početku izvođenja nastave iz svog predmeta informisati studente o angažovanju demonstratora i njegovoj ulozi u provođenju nastavnog procesa.
- (2) Ako na nekom predmetu na kojem je imenovan demonstrator dođe do njegovog razriješenja s dužnosti, prodekan za nastavu je dužan Naučno-nastavnom vijeću uputiti prijedlog za imenovanje novog demonstratora.

Član 13.

- (1) Ovaj Pravilnik stupa na snagu osmog dana od dana objavljivanja.
- (2) Objavljivanje će se izvršiti dostavljanjem Pravilnika fakultetima i na internet stranici Univerziteta.

**Predsjedavajući Senata
Univerziteta "Džemal Bijedić" u Mostaru**

Broj: 101-1-92/15

prof. dr. Sead Pašić, rektor

SADRŽAJ

I OPĆE ODREDBE	2
II IMENOVANJE DEMONSTRATORA.....	2
III PRAVA I OBAVEZE DEMONSTRATORA.....	3
IV VREDNOVANJE RADA DEMONSTRATORA	3
V PRELAZNE I ZAVRŠNE ODREDBE.....	4